



## Universitätsbibliothek Paderborn

**Francisci Baconi Baronis de Verulamio, Vice-Comitis S.  
Albani, Summi Angliæ Cancellarii, Opera omnia, Quæ  
extant: Philosophica, Moralia, Politica, Historica ...**

**Bacon, Francis**

**Francofurti ad Moenvm, 1665**

**XLIX. De Factionibus.**

**urn:nbn:de:bvb:12-bsb10497643-5**

iii: Alias enim *Libri* (ut sic dicam) distillati, instar aquarum distillatarum, quas vulgo mercantur, erunt penitus insipidi. *Lectio* copiosum reddit, & bene instructum; *Disputationes* & *Colloquia* promptum & facilem; *Scriptio* autem, & *Notarum collectio*, per lectorum animo imprimit, & altius figit. Itaque si quis in *notando* segnis sit, aut fastidiosus, memoria illi opus est bona: si *Colloquia* se non exercitat, requiritur ei ingenium promptum; si in legendendo parcus sit, hoc solum relinquitur, ut artificio quoquam utatur, quo videatur ea scire quae nescit. *Historiarum lectio* prudentes efficit; *Poetarum*, *ingeniosos*; *Aries Mathematica* subtilitatem donant; *Naturalis Philosophia* judicium profundum parit; *Moralis* gravitatem quandam morum conciliat; *Dialectica* & *Rhetorica* pugnacem redundat, & ad contentiones acarem, *Abeunt* (ut ait ille) *studia in mores*. Quin & vix occurrit, in intellectu, impedimentum aliquod insitum, aut naturale, quod non *Studio* quoquam idoneo emendari & cedolari possit: Quemadmodum morbi corporis, exercitii quibusdam propriis, levare possint. Globulorum lufus calculo & reribus salubris; Sagittatio pulmonibus & thoraci; Lenis deambulatio ventriculo; Equitatio capiti, & similia. Eodem modo, si cui sit ingenium vagum & volucere, *Mathematicas* incubat: In demonstrationibus enim *Mathematicis*, si mens vel minimum aberret, de novo incipiendum est: Si cuiquam ingenium sit minus aptum ad rerum differentias & distinctiones cruendas, ad *Scholasticos* se conferat; illi enim *Cumini Sectores* sunt: Si quis ad transversum ingenii segnis sit, nec alia in aliorum probationem, & illustrationem, accersere, & arrigere dextre, noverit, Jure Conulitorum Casus evolvat: Ad eò ut singuli intellectus morbi, ex *Literis*, medicinas proprias comparare sibi possint.

## XLIX.

## DE FACTIONIBUS.

**P**lurimi Opinionem minime sanam foverunt; Hanc nimis: Principi in Status sui administratione, & Viro magno, in actionum suarum directione, ad *Factiones* qua invaluerunt, præcipue respiciendum; Atque hanc principalem prudentiam partem esse: Cum è contra facultas hæc prudentia quam maxime vigeat, vel in disponendis rebus, quæ ad omnes sine discrimine pertinent, & in quibus homines diversarum *Factionum* coœuntur, vel in palpandis, conciliandis, & tractandis singulis. Neque tamen affero, *Factionum* debitam considerationem esse negligendam. Humilioris fortunæ viri, cum in ambitu sint, alicui parti adhærere debent; verum potentioribus, & jampridem honorem adeptis, consultius est, & quos se præstare, in neutrā partem propendendo. Quin & in ambientibus ita caute adhærere, ut videatur quis alter ex partibus addictus, & tamen parti adversa minime odiosus, viam quandam sternit ad honores, per medium *Factionum*. *Factio* inferior, & debilior, in conjunctione plerunque firmior, & constantior: Et non raro observari poterit, paucos, qui obfiniti & pertinaces sint, *Factionem* numerosiore, sed tamen moderatam, in fine defatigare, & depellere. *Factionum* altera postquam extincta fuerit, illa quæ manet, in *Factiones* novas disrumpitur; Veluti, *Factio Luculli* & *Optimatum*, ad tempus aliquod, se in satis magno vigore, contrafa-

ctionem *Pompeji* & *Cesaris*, sustinuit; Verum postquam Auctoritas Senatus & Optimatum deprimitur, *Factio* ipsius *Cesaris* & *Pompeji*, in partes propediem scissa est. Similiter, *Factio Antonii* & *Ostaviani* *Cesaris*, contra *Brunum* & *Cassum*, ad tempus aliquod duravit; sed deletis Copiis *Bruni* & *Cassi*, *Antonius* & *Ostavianus*, cum partibus suis, paulo post dissoluerunt. Exempla hæc (dices) ad *Factiones Bellicas* spectant. Sed idem in *Factionibus privatis* tenet. Itaque, in *Factionibus* qui secundas ante tenebant, *Factione* scissa, sepius primas tenent. Contratamen, haud raro, potestate omni excidunt: Complures enim in oppositione tantum valent; qua cessante, actum deveniunt inutiles. Observatu dignum, quod saepe evenit; plurimos nimirum, postquam voti compotes fint, & in dignitate quam ambierunt collocati, continuo se applicare contrarie *Factiones*: existimantes forsitan, sed de alterius *Factionis* affectu & studiis jamdudum certos esse; itaque ad Amicos novos conciliando se comparare. Proditor in *Factionibus* plerunque rem obtinet; Postquam enim res diutius, tanquam in æquilibrio, suspensa hæsissent, tum demum unius elicujus in partes contrarias transitio victoriam refert; in eumque gratia omnes cumulate. Indifferens illa inter partes processio, neutri inclinando, non semper ab animo moderato procedit; sed à consilio callido: quandoquidem proximus sibi quisque sit, atque ex utraque *Factione* utilitatem demere speret. Certe in *Italia*, in suspcionem incurrit Papa; de quo vox illa in vulgus volitat: *Patre commune*. Tum etiam in signum trahitur, *Papam* illum, omnia ad familiæ suæ amplitudinem referre, in animo habere. *Regibus* imprimis cavedendum est, ne *Factioni* alicui Subditorum suorum se ex professo adjungant: *Liga*, enim *Confederatio*nis, intra Statum quempiam, *Monarchiis* semper exitiales: Siquidem obligationem introducunt obligatione ipsa *Imperi* validiorē, atque *Regem* constituant, tanquam unum ex nobis: Id quod cernere erat in *Liga Francia*. Cum *Factiones*, manu forti, & palam, concertant, signum est imperii, in *Regibus* labentes: multumque præjudicat ipsorum & auctoritati, & negotiis. Motus *Factionum*, sub *Regibus*, similes esse debent motibus (ut *Astronomi* loquuntur) *orbium inferiorum*: qui suos habent motus proprios, sed interim, conversione *Primi Mobilis*, cum obsequio circumferuntur.

## L.

## DE CÆREMONIIS CIVILIBUS,

## ET DECORO.

**Q**ui *Realis* solummodo est, ei multa virtute operus duco: Sicut Gemma, quæ sine ornamento omni inseritur, è purissimis & nitidissimis esse debet. Verum, si quis diligenter animadvertis, fit in laude, quod sit in lucro: Obtinet enim Proverbium illud: *Lucra levia crumenam efficere gravem*. Siquidem, lucra levia frequenter redeunt, cum majora ratius se offerant. Similiter, verissimum est, virtutes exiguae magnas conciliare laudes, quia perpetuus earum usus est: tum in observationem Hominum incurrit: Cum è contra, virtutis alicujus magnæ exercenda occasio, raro admodum obtingit. Itaque ad famam & existimationem alicujus multum juvat, & (quemadmodum